

Mensahe 5

**Ang Natural nga Kahimoan batok sa Nabanhawng Kahimoan
sa Pagkahamtong sa Kinabuhi alang sa Pagtukod sa Iglesia
nga Organicong Lawas ni Cristo**

Basahong Kasulatan: 1 Hari 3:1; 11:1-8; Jos. 9:14; 1 Cor. 1:24, 30;
Isa. 45:15; 37:31; Mat. 6:6

- I. Nahimong tawo sa kaalam ug tawo sa pagpanabot si Salomon (2 Cron. 1:10; itandi sa Col. 2:2b-3); apan, kay nangasawa man siyag daghang paganong babaye ug nisimba sa ilang mga diosdios ug nagtukod og mga dapit nga kasimbahan sa mga tawo sa mga diosdios, nawad-an siya sa iyang kaalam nga hinatag-sa-Dios ug sa iyang pagpanabot nga hinatag-sa-Dios; nabuangbuang kaayo siya ug nakadalag kadaot sa iyang gingharian (1 Hari 3:1; 11:8):**
- A. Napakyas ning dako ug ngil-ad nga sala sa pagpasinunot sa iyang pangibog ang amahan ni Salomon nga si David, nga tawong uyon sa kasingkasing sa Dios (2 Sam. 11); mas dako pa ang pagkapakyas ni Salomon ning yawan-ong pagtintal kaysa amahan niya; nahulog siya tungod sa pagpasinunot niya sa iyang pangibog sa paghigugmag daghang langyaw nga babaye (1 Hari 11:1-3), sa pagbiya niya sa Dios, nga kaduha nagpakita kaniya (v. 9b), ug sa pagsimba niyang Gentil nga mga diosdios tungod sa paghaylo sa langyaw nga mga babaye nga iyang gihigugma (vv. 4-8).
 - B. Dunay pito ka gatos ka asawa ug tulo ka gatos ka puyopuyo si Salomon (v. 3); aron matagbaw ang ilang tinguha, nagtukod siyag habog nga mga dapit; “gipaliso sa [iyang mga asawa] ang iyang kasingkasing nga monunot sa laing mga dios” (v. 4); “nisunod si Salomon ni Astoreth nga diosa sa mga Sidonhon ug nisunod ni Milcom nga talamayong butang sa mga Amonihanon” (v. 5).
 - C. “Nagtukod si Salomon og habog nga dapit alang ni Chemos sa talamayong butang sa Moab didto sa bukid nga atbang sa Jerusalem ug alang ni Molech sa talamayong butang sa mga anak sa Amon” (v. 7):
 - 1. Sa panahon sa paghari ni Salomon gitukod ang templo didto sa Jerusalem, ug nilukop sa templo ang himaya sa Ginoo; bulawanong panahon sa kasaysayan sa mga anak sa Israel ang panahon sa pagtukod sa templo—8:10-11.
 - 2. Nagtimaan sa pagkausa ang bugtong-talagsaong dapit, ang Jerusalem, samtang nagtimaan og pagbahinbahin ang habog nga mga dapit; maingon nga may kalabotan sa pagpatindog sa habog nga mga dapit ang tanang matang sa daotan ug dulumtanang mga butang, sa pinulongan sa Bag-ong Tugon, may kalabotan sa pagbahinbahin ang tanang matang sa daotan—1 Cor. 1:10 ug nota 3.
 - 3. Makaaghat-sa-pagtagad nga si Salomon, nga mao mismoy nagtukod sa templo segun sa tinguha sa Dios diha sa sukaranan sa pag-

Mensahe 5 (sumpay)

kausa sa katawhan sa Dios, maoy nanguna sa pagtukod pag-usab sa habog nga mga dapit—1 Hari 11:6-8.

- D. Tungod niini nawad-an ang iyang mga kaliwat og sobra sa nobenta porsyento sa ilang gingharian ug nag-antos ang katawhang pinili sa Dios og pagkabahinbahin ug kagubot sa ilang taliwala sa daghang kaliwatan; sa kaulahian, nawad-an sila sa yutang hinatag-sa-Dios ug nangabihag sa langyaw nga mga yuta nga nagsimbag mga diosdios.
- E. Nag-antos pa gihapon ang nasod sa Israel tungod sa pagkapakyas ni Salomon; magpasidaan ug magpahimangno gyod unta kini kanato; magbantay gyod ta; bisan ang gamayng pagkapakyas sa pagpasinunot sa pangibog makadaot man sa iglesiahanong kinabuhi ug makapatay sa matahom nga mga aspeto niini.
- F. Busa, magbantay gyod ta, bisan sa kinagamyang butang; maggawi gyod ta uyon sa espiritu sa tanang butang (Rom. 8:4; itandi sa Zac. 4:8-10); magkinabuhi gyod ang katawhan sa Dios uban Niya, nga kanunayng magsalig Niya ug mausa Niya (Jos. 9:14; 2 Cor. 6:1a; 1 Cor. 3:9; Mat. 1:23).
- G. Naa sa masulob-ong pagkahigawad ang pagkamatay ni Salomon (1 Hari 11:40-43); natagak ang iyang himaya sama sa bulak sa balili (Mat. 6:29; 1 Ped. 1:24), ug ang masanagong trabaho niya nahimong “kakawangan sa mga kakawangan,” sama sa iyang gisangyaw (Eccl. 1:2).

II. Makita unta nato ang pagkapakyas ni Salomon diha sa kahayag sa espirituhanong kinabuhi:

- A. Maalamong tawo si Salomon apan dili espirituhanon; tawo siya nga dunay kahimoan, dili tawo sa kinabuhi; ang pagpahimulos niya sa maayong yuta nga hinatag-sa-Dios niabot sa kinalabwang ang-ang tungod sa gasang hinatag-sa-Dios kaniya; apan tungod sa gamayng sukod niya sa pagkahamtong sa espirituhanong kinabuhi, wala na siya makapahimulos sa maayong yuta sa pamatigayon sa Dios tungod sa mapatuyangong pagpasinunot niya sa pangibog—1 Cor. 2:14-15; 3:1, 3.
- B. Naghimo ni Salomon nga bantogan diha sa kalibotan sa iyang mga adlaw ang kaalam niya nga hinatag-sa-Dios; apan, naa ra gyod sa pisikal nga ginsakpan ang iyang kaalam, walay bisan unsang espirituhanong elemento; landong sa tinuod nga kaalam nga moabot ang iyang kaalam, ug lahi gyod kaayo kini sa kaalam ni Pablo—1 Cor. 1:24, 30.
- C. Espirituhanong kaalam kalabot ni Cristo nga nagbalay sa atong kasingkasing ang kaalam ni Pablo (Efe. 3:17); ang paggawi ug pagkaanaa sa atong pagkatawo uyon sa espiritu (Rom. 8:4); ug ang duha ka espiritu—ang diosnong Espiritu ug ang tawhanong espiritu—nga nasagol nga usa ka espiritu (v. 16; 1 Cor. 6:17).

Mensahe 5 (sumpay)

D. Labi gyong gipadayag kang Pablo ang mga misteryo sa pamatigayon sa Dios (Col. 2:2; Efe. 3:3-5, 9-10); karon, kon buot tang masayod sa kinalabwang kaalam sa uniberso, tun-an gyod nato pag-ayo ang pagpatin-aw sa mga kamatuoran sa Mga Sulat ni Pablo; ang tinuod nga kaalam mao ang Dios, nga gipakalawas diha ni Cristo, nga nahimong kaalam nato aron maanaa nato, nga nag-usa nato sa Dios ug naghimo natong Dios sa kinabuhi ug kinaiya apan dili sa ranggo sa pagka-Dios; sa ingon niana, nahimo tang obra maestra sa Tulo-usang Dios, ang balak Niya, nga nagpasundayag sa Iyang walay kinutobang kaalam ug diosnong plano—1 Cor. 1:24, 30; Efe. 2:10; 3:9-11.

III. Tawo si Salomon nga puno sa natural nga kahimoan apan dili tawo sa kinabuhi, tawo kansang kaalam usa ka gasa, dili sukod sa kinabuhi; ang mga trabahong nahuman niya mga pamatuod sa iyang kahimoan tungod sa gasa nga kaalam nga hinatag-sa-Dios, dili mga pagpadayag sa kahimoan sa pagkahamtong sa kinabuhi—Heb. 6:1; Col. 1:28-29; Fil. 3:12-15:

- A. Makita gyod unta nato ang kalainan sa atong natural nga kahimoan ug sa kahimoang niagi na sa kamatayon ug pagkabanhaw; makaamgo gyod unta ta sa pagkawalay-mahimo, pagkadili-igo, sa natural natong pagkamao ug kahimoan diha sa mga butang sa Dios—Buh. 7:22; Exo. 3:2-3, 14-15; 1 Cor. 2:14; Fil. 3:3-9; 2 Cor. 3:5-6.
- B. Dili gyod ta mosalig sa natural natong pagkamao diha sa mga butang sa Dios; kat-onan hinuon nato ang pagsalikway sa natural natong pagkamao ug gamiton ang atong espiritu sa tanang butang aron organicong matukod ang Lawas ni Cristo—Fil. 3:3; Rom. 8:4; 1 Tim. 4:7.
- C. Walay luna ang natural natong pagkamao diha sa pahiuli sa Ginoo; diha-dayong isalikway sa kaiglesiahan sa pahiuli sa Ginoo, nga mga bahin sa buhing Lawas ni Cristo, ang bisan unsang natural—1 Cor. 12:12-13.
- D. Sa pagtukod sa iglesia dugmokon gyod ang tanang natural nga butang nga naa nato ayha pa ta madugtong pag-usa; matukod lang ta sa madugmok na ta diha sa natural nga pagkamao nato—*Mga Alawiton*, #837, estansa 6 ug 7.
- E. Nagtagad ra sa kaugalingon ang natural nga kahimoan ug makapagarbo nato, nga moresulta sa pagpangandak ug pagpasigarbo sa kaugalingon; dili mapagarbohon ang nabanhawng kahimoan ug dili mangandak sa iyang kaugalingon—itandi sa Col. 1:17b, 18b; Fil. 3:3; 2 Cor. 12:9.
- F. Hakog ang natural nga kahimoan, ug alang ra sa kaugalingon ang tanang plano ug paagi niini nga wala gyod magtagad sa kabubut-on sa Dios; alang sa kabubut-on sa Dios ang nabanhawng kahimoan; nadugmok na kini ug dili alang sa kaugalingon ug walay elemento sa kaugalingon—itandi sa Mat. 16:24.

MGA TALAMDAN SA PAGTUON-NGA-MAKAPATIN-AW

Mensahe 5 (sumpay)

- G. Makapasalig sa kaugalingon ang natural nga kahimoan, nagbuhat sa iyang kaugalingon ug makapasalig nato sa atong kaugalingon ug dili sa Dios; nagsalig sa Dios ang nabanhawng kahimoan ug dili mangahas sa pagbuhat sumala sa kaugalingon, bisan tuod makahimo gyod kini; gikontrol sa Espiritu Santo ang nabanhawng kahimoan ug dili mangahas sa pagbuhat sumala sa atong mga gusto—itandi sa 2 Cor. 1:8-9; 4:6-7; 12:7-9.
 - H. Walay diosnong elemento ang natural nga kahimoan; nagtinguha kini sa kaugalingong himaya ug nagtagbaw sa kaugalingong mga tinguha; nasagol kini sa mga elemento sa unod ug kasuko; busa, kon dili kini uyonan, masuko kini; wala gyoy iya sa unod ang nabanhawng kahimoan—itandi sa 1 Tes. 2:4.
 - I. Temporaryo ra ang natural nga kahimoan ug dili makadaog sa mga pagsulay, mga kapakyasan, o pagsupak; nagdayeg sa Amahan, niila sa kabubut-on sa Amahan, ang nabanhawng kahimoan—Mat. 11:20-26; Juan 2:19; Buh. 2:24.
 - J. Nagtinguhag mga ganti o pagdayeg ba sa uban ang mga nag-alagad segun sa natural nga kahimoan; nagtinguha nga makaangkon ni Cristo ang mga nag-alagad segun sa nabanhawng kahimoan ug desidido gyong makaangkon sa dungog nga gikahimut-an Niya—Fil. 3:8; Gen. 15:1; Heb. 11:5-6; 2 Cor. 5:9.
 - K. Ganahang magpadayag sa kaugalingon, mailhan sa tawo, ug buhaton atubangan sa tawo ang natural nga kahimoan; ganahang mobuhat sa mga butang sa tago ang nabanhawng kahimoan aron mausa “sa Dios nga nagtago sa Iyang Kaugalingon” ug “mogamot paingon sa ubos ug mamunga paingon sa itaas”—Isa. 45:15; 37:31; Mat. 6:4, 6, 17-18.
 - L. Samag bitin, nga mohilo sa katawhan sa Dios, ang natural nga kahimoan nga bulag sa kinabuhi; samag salampati ang kinabuhi, nga magsangkap sa katawhan sa Dios og kinabuhi ug maghimo natong tawo nga nagpadayag diha sa iyang pagka-tawo sa madagayaong Dios sa dagayang mga kaayo Niya pinaagi sa nangalimyong maayong kagawian Niya; ang kinabuhi maghimo natong sama sa lirio nga nitubo sa kasampinitan ug masanagong bituon sa ngitngit nga gabii—itandi sa Exo. 4:1-9; Mat. 3:16-17.
 - M. Mosulay ngani ang mga tawo sa pagdala sa ilang natural nga kahimoan nganha sa iglesia, mawala ang realidad sa iglesia; ang niagi ra sa kamatayon ug pagkabanhaw ang madala nganha sa iglesia—1 Cor. 3:16-17.
- IV. Naa sa kinahabogang posisyon ang kap-atag usa ka hari sa Israel ug sa Juda, apan wala siya magmabinantayon sa pagpahimulos nila sa maayong yuta; bisan si David wala man hingpit nga nakapahimulos sa maayong yuta; iaplikar gyod nato sa atong kaugalingon ang ilang panig-ingnan:**

1 UG 2 MGA HARI

Mensahe 5 (sumpay)

- A. Ang gamot sa kadaotan sa daotang mga hari, sama sa kadaotan sa katawhan sa Israel, mao ang pagsalikway nila sa Dios nga tuboran sa buhing mga tubig ug ang pag-adto nila sa paganong mga diosdios nga mga pundohanang niliki nga dili kasudlag tubig; naglumos nila sa mga tubig sa kamatayon sa pagsimbag mga diosdios ug sa pag-pasinunot sa mga pangibog kining duha ka kadaotan—Jer. 2:13.
- B. Mga hari ta karon, nga naghari uban ni Cristo diha sa kinabuhi sa pagdawat nato sa kadagaya sa grasya ug sa gasa sa pagkamatarong (Rom. 5:10; 17); maningkamot gyod ta nga mosunod sa sumbanan ni Pablo, nga makapahayag nga gilansang na siya sa krus uban ni Cristo ug dili na siya ang nabuhi kondili si Cristo na ang nabuhi sa sulod niya (Gal. 2:20); niingon siya nga gikinabuhi niya si Cristo aron madapako Siya sa pagdawat niya sa madagayaong sangkap sa Espiritu ni Jesucristo, nga sangkap sa Lawas (Fil. 1:19-21a).
- C. Sa pagkabanhaw nahimong Espiritung taghatag-og-kinabuhi si Cristo nga kahingpitan sa Tulo-usang Dios (1 Cor. 15:45b); nisulod sa atong espiritu kining diosnon, malangkobon-sa-tanan nga Espiritu ug nasagol sa gipanganak pag-usab nga espiritu nato, nag-usa sa Dios ug sa tawo, sa tawo ug sa Dios, diha sa nasagol nga espiritu; nasagol na karon kining duha ka espiritu ingog usa ka persona (6:17; Rom. 8:16).
- D. Karon, ang Dios Espiritu mao ang malangkobon-sa-tanan nga Espiritu, ang sinagol nga Espiritu, ang nagdihog nga Espiritu, ang nagpadayag nga Espiritu, ug ang nahingpit nga Espiritu nga kahingpitan sa nahikay nga Tulo-usang Dios—Fil. 1:19; Exo. 30:22-25; 1 Juan 2:27; 1 Cor. 2:10; Bug. 22:17a.
- E. Sa pahiuili sa Ginoo karon, itingob gyod nato ang atong pagtagad sa nasagol nga espiritu, sa Espiritu nga nasagol sa atong espiritu, ug magkinabuhi, maggawi, ug ipaanaa gyod ang atong pagkatawo diha sa ug uyon ning nasagol nga espiritu aron tinuod gyod tang makahari diha sa kinabuhi (Rom. 8:4; 5:10); kining nasagol nga espiritu mao ang pagsugod sa Lawas ni Cristo ug mahingpit sa Bag-ong Jerusalem—Efe. 1:17; 2:22; 3:5, 16; 4:23; 5:18; 6:18; Bug. 21:10.